

天長地久永爲列仙

論恩

天地日月父母恩不能使我脫沈淪弟兄姊妹暫相識妻妾兒孫愈不親幸遇風仙傳祕訣致令馬鈺得良因斷情割愛調龍虎絕慮忘機產鳳麟玉内生金丹結寶水中養火氣安神師恩深重終難報誓死環墻鍊至真

十報恩

本名瑞  
鶴鳴

山侗一願報師恩物外生涯世罕聞鍛鍊玉爐三澗雪修完金鼎一溪雲 蛟龍宜向火中既猛虎堪於水裏焚一粒神丹光透壁不神神彩獨超羣

道藏輯要

洞玄金玉集

七

胃集六  
川。三

又

山侗二願報師恩立誓修行志鍊心火焰滅除火養木水銀枯盡水生金 木金三間通玄路水火同流結寶岑久視大丹成不漏攜雲歸去絕昇沉

又

山侗三願報師恩鍛鍊靈胎在玉京鉛汞烹煎先有驗虎龍交媾豈無聲 三光並秀超三昧五嶽同峰出五行三五丹成眞造化自然雲步訪蓬瀛

又

山侗四願報師恩天地收來入寶瓶日月山川添壯觀虎龍嬰

姦得安甯 清輕濁重陰陽正博厚高明品物靈赫赤丹成全  
性命超然跨鶴過天庭

又

山侗五願報師恩酒色財氣誓不侵便把日烏先趕退次將月  
兔更牢擒 月輪重顯無圓缺日色增輝沒縮沈功滿丹成何  
處去得超雲漢絕陽陰

又

山侗六願報師恩坦蕩逍遙不惹塵識破假軀端的假研窮真  
性的端真 方知可道非常道始覺不神所以神清淨丹成乘  
赤鳳大羅天上賞長春

道藏輯要

洞玄金玉集

八

胃集六  
川〇一

又

山侗七願報師恩掌握虛無死水銀滿目牛羊當道臥一軒風  
月證人純 清清淨淨難迷假淨淨清清易見真龍虎成丹無  
九轉自然永永做仙人

又

山侗八願報師恩返覆陰陽仗鍊烹火降水昇拋雪浪龍吟虎  
嘯發雷聲 玉爐瑞雪重重結金鼎祥光靄靄生無價丹成無  
老死長生路上法身輕

又

山侗九願報師恩意淨心清路坦平便把無爲爲造化不憑有

作作經營 恰如逗引龍和虎還似般調姪與嬰活藥丹成蓬  
島去和公師叔遠來迎

又

山侗十願報師恩劈碎金枷玉杻情久視門中修久視長生路  
上得長生 昏昏默默澄澄湛杳杳冥冥淨淨清響哢丹成蓬  
島去重陽師父遠來迎

述懷

利名場上沒縈牽人我叢中絕焰煙舉意遊山山嶺上興心樂  
水水雲邊 往來飄逸孤如鶴去住安閒靜似蟬據此逍遙能  
有幾從教人道活神仙

道藏輯要

洞玄金玉集

九

胃集六

上街求乞

人人休惜一文錢好與貧兒且結緣暗暗還賢增萬倍明明  
我養三田 捨慳自是開心地割愛方能達妙玄一日悟來離  
苦海逍遙物外共修仙

勉門人

道人活計不相侵各自衣食各自尋莫爲閒言閒鬪氣休爭俗  
事俗縈心 搜玄絕慮龍隨虎索隱忘機水養金清淨色身全  
法體一爐丹熟步遙岑

道友問在家能修行否

神仙要做戀妻男忙裏偷閒道上參清淨門庭無意認姪情術